

相合以降甘露人莫之令而自均始制有名名亦既有夫亦將  
知止知止所以不殆譬道之在天下猶川谷之於江海  
微而能尊者理感而必應者蒸散而有名者形執而不復者  
器噴出乎器復乎虛廓乎萬有之一初

知人者智章第三十三

知人者智自知者明勝人者有力自勝者強知足者富強行者  
有志不失其守者久死而不亡者壽

自知自勝有深功篤實剛純守此中九竅百骸皆幻妄無今  
無古是真空噴明乎靜安乎定以有其性不聽於命

大道汎兮章第三十四

道藏輯要

道德真經章句勸學

三

心集五  
川上三上

大道汎兮其可左右萬物恃之以生而不辭功成不居衣被萬  
物而不爲主故常無欲可名於小矣萬物歸焉而不爲主可名  
於大矣是以聖人終不爲大故能成其大

惟其無所係故無以窺其爲無以窺其爲故無不可違乃知  
已大而物小惟不自大者能之噴天地萬物惟形是礙大不  
可小小不可大

執大象章第三十五

執大象天下往往而不害安平泰樂與餌過客止道之出口淡  
乎其無味視之不足見聽之不足聞用之不足既

妙象無象妙樂無聲妙餌無味妙用無能自歸自止自生自

成嘒吹龍笛擊鼉鼓紫駝之峯出翠金萬蟻千蠅暫時聚若  
何淨洗三生塵贈汝長流一杯水

### 將欲歛之章第三十六

將欲歛之必固張之將欲弱之必固強之將欲廢之必固興之  
將欲奪之必固與之是謂微明柔勝剛弱勝強魚不可脫於淵  
國之利器不可以示人

對待相因理之必至全吾之用柔之而已魚忘於淵民忘於  
利忘而不忘所以為治嘒人居理氣間譬如魚在水不自知  
其然出入有生死因之以順理柔之以守絜至寶存諸中天  
地一終始

### 道藏輯要

道德真經章句訓頌

酉

心集五  
六四〇

### 道常無為章第三十七

道常無為而無不為侯王若能守萬物將自化化而欲作吾將  
鎮之以無名之樸無名之樸亦將不欲不欲以靜天下將自正  
自然而然者天之行齊而不齊者物之情執其行得其情而  
返之以無形之形寂兮寞兮無臭無聲亦孰使夫天清而地  
甯嘒觀水還知道用微微波已盡又風吹不妨小立待其定  
自有人人照見時

曰常為而無為曰功成不居不為主不為  
先曰柔曰靜曰復曰自然曰損又損是皆  
一經本旨所以為求道之方也五千言文意本相連貫河上  
公分爲八十一章其旨固自有所在然於中出乎強勉分析  
不斷者亦可見讀者因其  
析以求其全則自悟入矣

### 上德不德章第三十八